

0.0.1 sārāndadasuttaṃ

1. ekaṃ samayaṃ bhagavā vesāliyaṃ viharati mahā-vane kūṭāgārasālāyaṃ. atha kho bhagavā pubbanhasamayaṃ nivāsetvā pattacīvaramādāya vesāliṃ piṇḍāya pāvīsi.

2. tena kho pana samayena pañcamattānaṃ licchavī-satānaṃ sārāndadecetiye sannisinnānaṃ sannipatitānaṃ ayamantarā kathā udapādi: 'pañcannaṃ ratanānaṃ pātubhāvo dullabho lokasmiṃ. katamesaṃ pañcannaṃ: hatthiratanassa pātubhāvo dullabho lokasmiṃ. assaratanassa pātubhāvo dullabho lokasmiṃ. maññiratanassa pātubhāvo dullabho lokasmiṃ, itthiratanassa pātubhāvo dullabho lokasmiṃ gahapatiratanassa pātubhāvo dullabho lokasmiṃ imesaṃ pañcannaṃ ratanānaṃ pātubhāvo dullabho lokasmi'nti.

3. atha kho te licchavī magge purisaṃ ṭhapesuṃ, 'yadā tvam¹ ambho purisa passeyyāsi bhagavantam āgacchantam, atha ambhākaṃ āroceyyāsi'ti. addasā kho so puriso bhagavantam dūratova āgacchantam. di-svāna yena te licchavī tenupasaṅkami. upasaṅkamtvā te licchavī etadavoca: 'ayaṃ so bhonto² bhagavā āgacchati³ araham sammāsambuddho, yassadāni kalamāññathā'ti.

pts page 168

¹yathā tvam - sīmu, pts.

²bhante - sīmu.

³gacchati - machasaṃ.

4. atha kho te licchavi yena bhagavā tenupasaṅka-mimṣu. upasaṅkamitvā bhagavantam abhivādetvā ekamantaṃ aṭṭhaṃsu. ekamantaṃ ṭhitā kho te licchavī bhagavantam etadavocum: 'sādhū bhante bhagavā yena sārandaḍaṃ⁴ cetiyaṃ tenupasaṅkamatu anukampaṃ upādāyā'ti. adhivāsesi bhagavā tuṇhībhāvena. atha kho bhagavā yena sārandaḍaṃ cetiyaṃ tenupasaṅkami. upasaṅkamitvā paññatte āsane nisīdi. nisajja kho bhagavā te licchavī etadavoca:

5. "kāyanuttha licchavi, etarahi kathāya sannisinnā? kā ca pana vo antarā kathā vippakatā"ti? idha bhante amhākaṃ sannisinnānaṃ sannipatinānaṃ ayamantarā kathā udapādi: pañcannaṃ ratanānaṃ pātubhāvo dullabho lokasmiṃ. katamesaṃ pañcannaṃ: hatthiratanassa pātubhāvo dullabho lokasmiṃ. assaratanassa pātubhāvo dullabho lokasmiṃ. maṇiratanassa pātubhāvo dullabho lokasmiṃ. itthiratanassa pātubhāvo dullabho lokasmiṃ. gahapatiratanassa pātubhāvo dullabho lokasmiṃ. imesaṃ pañcannaṃ ratanānaṃ pātubhāvo dullabho lokasminti.

6. kāmādhimuttānaṃ vata vo⁵ licchavīnaṃ kāmāṭṭeva arabbha antarā kathā udapādi.

7. pañcannaṃ licchavī, ratanānaṃ pātubhāvo dullabho lokasmiṃ. katamesaṃ pañcannaṃ: tathāgatassa

⁴sādhū bhante yena sārandaḍaṃ - machasaṃ.

bjt page 274

⁵vata bho - machasaṃ.

arahato sammāsambuddhassa pātubhāvo dullabho lokasmiṃ. tathāgatappaveditassa dhammavinayassa desetā puggalo dullabho lokasmiṃ. tathāgatappaveditassa dhammavinayassa desitassa viññātā puggalo dullabho lokasmiṃ. tathāgatappaveditassa dhammavinayassa desitassa viññātassa dhammānudhammapaṭipanno puggalo dullabho lokasmiṃ. kataññū katavedi puggalo dullabho lokasmiṃ. imesaṃ kho licchavī, pañcannaṃ ratanānaṃ pātubhāvo dullabho lokasminti.